

Aelodau Cymru o Senedd Ewrop

Diweddarwyd: Mai 2011

Cyflwyniad:

Senedd Ewrop¹ yw unig gorff yr Undeb Ewropeaidd (UE) sy'n cael ei ethol yn uniongyrchol. Caiff ei 736 o aelodau (ASE) eu hethol bob pum mlynedd gan bleidleiswyr ym mhob un o 27 aelod-wladwriaeth yr UE.

Cynhaliwyd yr etholiadau mwyaf diweddar ym mis Mehefin 2009, a bydd yr Aelodau presennol yn eu swyddi tan fis Mai 2014.

Mae gan y DU 72 o ASE (yr un faint â Ffrainc a'r Eidal). Caiff pedwar o'r rhain eu hethol i gynrychioli Cymru, a'r pedwar ASE presennol dros Gymru yw:

- John Bufton, Plaid Annibyniaeth y DU (UKIP) a Grŵp Rhyddid a Democratiaeth Ewropeaidd
- Jill Evans, Plaid Cymru a Grŵp y Gwyrddion/Cynghrair Rhydd Ewrop
- Dr Kay Swinburne, y Ceidwadwyr Cymreig a Grŵp Ceidwadwyr a Diwygwyr Ewrop
- Derek Vaughan, Llafur Cymru a Grŵp Cynghrair Blaengar y Sosialwyr a'r Democratiaid

¹ Am ragor o fanylion gweler [gwefan Senedd Ewrop](#)

Mae gwaith Aelodau Senedd Ewrop Cymru'n cael ei rannu dros dri lleoliad:

- **Strasbourg**, cartref swyddogol Senedd Ewrop. Mae'r Senedd yn cyfarfod 12 gwaith y flwyddyn yn Strasbourg, sydd gyfystyr ag un wythnos o fusnes y mis.
- **Brwsel**, ail gartref Senedd Ewrop, lle y cynhelir y rhan fwyaf o'r cyfarfodydd pwyllgor, ynghyd â nifer o sesiynau llai y Cyfarfod Llawn yn ystod y flwyddyn
- **Cymru**, sef etholaeth y pedwar ASE.

Yn ogystal â pherthyn i un o saith o grwpiau gwleidyddol y Senedd, mae pob un o ASE Cymru yn aelodau o un o 20 o bwyllgorau sefydlog y Senedd sy'n ystyried deddfwriaeth a chraffu ar bolisiau. Gall eu grwpiau gwleidyddol ofyn iddynt hefyd fod yn aelodau o bwyllgorau arbennig neu "dros dro" a gaiff eu sefydlu mewn ymateb i faterion sydd o bwys gwleidyddol mawr i'r UE, e.e. yr argyfwng ariannol, neu i baratoi ar gyfer y trafodaethau ar gyllideb aml-flwyddyn yr UE.

Yn olaf, gall ASE Cymru ymwneud ag amrywiaeth o weithgorau ffurfiol ac anffurfiol yn Senedd Ewrop, ynghyd â gwaith cynrychioladol allanol. Mae'r adran a ganlyn yn rhoi crynodeb byr o'r pwyllgorau, gweithgorau a gweithgareddau allanol eraill y mae'r pedwar ASE o Gymru yn ymwneud â hwy.

ASE Cymru: Pwyllgorau a gwaith arall²

John Bufton, Plaid Annibyniaeth y DU a'r Grŵp Rhyddid a Democratiaeth

Pwyllgorau:

- Pwyllgor Datblygu Rhanbarthol (aelod)
- Pwyllgor Amaethyddiaeth a Datblygu Gwledig (eilydd)

Jill Evans, Plaid Cymru a'r Gwyrddion/Cynghrair Rhydd Ewrop

Pwyllgorau:

- Y Pwyllgor Amgylchedd, Iechyd Cyhoeddus a Diogelwch Bwyd (aelod)
- Y Pwyllgor Amaethyddiaeth a Datblygu Gwledig (eilydd)
- Pwyllgor ar Hawliau Merched a Chydraddoldeb Rhywiol

Dirprwyaethau:

- Y ddirprwyaeth ar y berthynas â Chyngor Deddfwriaethol Palesteina
- Y ddirprwyaeth ar y berthynas ag Irac (aelod)

Adroddiadau a chyflwyno barn:

- Adolygiad o Gyfarwydddeb yr UE ar Rwystro Sylweddau Peryglus. Mabwysiadwyd yr adroddiad ym mis Mehefin 2010. Cliciwch **yma** am fanylion.

Eraill:

- Is-Gadeirydd y Gwyrddion/Cynghrair Rhydd Ewrop
- Llywydd Cynghrair Rhydd Ewrop

²Gweler **gwefan Senedd Ewrop**. Gweler hefyd wefannau'r aelodau eu hunain: **John Bufton, Jill Evans, Dr Kay Swinburne a Derek Vaughan**

Dr Kay Swinburne, y Ceidwadwyr Cymreig a Grŵp y Ceidwadwyr a'r Diwygwyr Ewropeaidd

Pwyllgorau:

- Materion Economaidd ac Ariannol (aelod a chydlynnydd y Grŵp)
- Y Pwyllgor Arbennig ar yr Argyfwng Ariannol, Economaidd a Chymdeithasol (aelod)

Dirprwyaethau:

- Y ddirprwyaeth i Gynulliad Seneddol Undeb Môr y Canoldir (aelod)
- Y ddirprwyaeth ar y berthynas â'r Swisdir a Norwy, Cyd-bwyllgor Seneddol yr UE-Gwlad yr Iâ a Chyd-Bwyllgor Seneddol yr Ardal Economaidd Ewropeaidd (eilydd)
- Y ddirprwyaeth ar y berthynas â Chyngor Deddfwriaethol Palesteina (eilydd)

Adroddiadau a chyflwyno barn:

- Adroddiad ar reoleiddio masnachu mewn offerynnau ariannol. Mabwysiadwyd yr adroddiad ym mis Tachwedd 2010. Manylion **yma**.

Derek Vaughan, Llafur Cymru a Chynghrair Blaengar y Sosialwyr a'r Democratiaid

Pwyllgorau:

- Pwyllgor y Gyllideb (aelod)
- Y Pwyllgor Rheolaeth Gyllidebol (eilydd)
- Pwyllgor arbennig ar yr heriau polisi a'r adnoddau cyllidebol ar gyfer Undeb Ewropeaidd cynaliadwy ar ôl 2013 (Pwyllgor SURE) (eilydd)

Dirprwyaethau:

- Y ddirprwyaeth ar y berthynas â Gweriniaeth Pobl Tsieina (aelod)
- Y ddirprwyaeth ar y berthynas â Japan (eilydd)

Adroddiadau a chyflwyno barn:

Barn ar bumed adroddiad y Comisiwn Ewropeaidd ar gydlyniant a'r strategaeth ar gyfer y polisi cydlyniant ar ôl 2013. Mabwysiadwyd y farn ar 12 Ebrill 2011. Cliciwch **yma** am fanylion.

Rhagor o wybodaeth

Am ragor o wybodaeth am ASE Cymru neu unrhyw fater arall ynghylch yr UE, cysylltwch â

Gregg Jones (Gregg.Jones@cymru.gov.uk)

Swyddfa UE Cynulliad Cenedlaethol Cymru

Tŷ Cymru

6^{ed} llawr, 11 Rond-Point Schuman

Brwsel B-1040

Belg